

清康熙南海普陀山志

裘璉

撰

四

南海普陀山志卷之十三

定海總兵官

古閩藍理

溫陵施世驃

禮部侍郎

錢塘高士奇鑒定

翰林院編修

慈谿姜宸英

翰林院纂修

鄞邑萬言

前後預志事

長洲陳璿

慈谿裘璉編輯

藝文詩

遊洛迦山

宋臨川王安石詩

山勢欲壓海禪宮
向此開魚龍腥不到
日月影先來
樹色秋擎出鐘聲
浪答回何期乘吏役
暫此拂塵埃

遊補陀

元吳興

趙孟頫

翰林承旨

縹緲雲飛海上山
挂帆三日上潺湲
兩宮福德齊千佛
道恩光照百蠻澗
草蠟花多瑞氣
石林水府隔塵寰
鰕生小技真榮遇
何幸凡身到此間

遊補陀

元盛熙明

驚起東華塵土夢
滄州到處卽爲家
山人自種三珠樹
天姥長乘八月槎
梅福畱丹赤似橘
安期送棗大于瓜
金仙對面無言說
春滿幽巖小白花

夕泛海東尋梅岑山觀音洞遂登磐陀石望日出處

元昊萊

山月出天末水面生晚寒扁舟劃朕往萬頃相渺漫星
河白搖撼島嶼青屈盤遠應壺嶠接深已雲夢吞蟠木
繫予纜扶桑纓我冠寸心役兩目少試鯨魚竿

又二章

起尋千步沙穹口塞行路怒濤所縱擊徒以頑險故卓
哉梅子真與世良不遇上書空雪衣燒藥還烟樹元螭
時側行縞鶴一迴顧從之招善門滄海晝多霧

茫茫瀛海間海岸此孤絕飛泉亂垂纓險洞森削戢天

香固遙聞梵相俄一瞥魚龍互圍繞山鬼驚變滅舟航
來旅游鐘磬聚禪悅笑撚小白華秋潮落如雪

遊補陀

明昌國張信狀元

浮生同一夢感慨憐我情文章祇覆缶鉛槧總頑形拂
茲蘅竇下凌彼天之層和風灑雲龍清樾培佳程睠言
遊仙侶趣趾成蓬瀛

洛迦山望海

新會陳獻章名臣

元氣茫茫混太虛天吳鯨撼蕩坤輿千年木石勞精衛
百谷波流會尾閭月下明珠鮫女泣雪中飛觀羽人居
秋風吹老珊瑚樹不見麻姑錦字書

其二

一花初起白龍堆萬騎長驅石壁開碧海有山都是雪
青天無雨只聞雷秋高鴻鵠排雲去夜靜蛟龍出穴來
借問乘槎向何處五雲咫尺是蓬萊

寶陀禪寺漫興

前人

寶塔凌空十丈高倚欄南望際鯨濤天花散處皆金地
海月生時見玉毫夜氣澄清龍在窟秋風蕭爽鶴鳴臯
丹梯咫尺諸天近香霧霏霏溼芋袍

贈補陀僧

前人

僧言海上來會上妙高臺瑞相天浮月潮音地送雷沙

音附山志 卷之十三
如金布地山似碧蓮開雨帶龍腥過雷隨鶴影迴幽探
還得寶徑度不須杯我有登臨興南還識善財

補陀山

嘉興 陸光祖 太宰

天抱琉璃宮鼇柱不見底誰騎香象來明月弄空水。

遊補陀

鄞邑 張子瑄 少卿

嶙峋仙界錦城堆寶樹瓊花面面迴勢壓海門鼇背重
光搖島嶼蜃樓開層巒徧向雲間出飛瀑全疑天上來
自是修真奇絕處何須弱水問蓬萊

禮洛迦山

鄞邑 沈明臣

三神山遠不能尋惟有洛迦名古今萬里扶桑開四照

九天靈鷲削孤岑一枝鸚鵡多饒舌遍海蓮花不染心
謁罷潮音靈洞口皈依願發晚濤深

題補陀

鄞邑萬表都督

挂席凌澎湃長風兩髯颺俄狀見宮殿出沒在波濤龍
女呈珠貝如來現玉毫直將超世界詎獨解天弢

其二

不爲名山住將因法喜探波聲撼佛座松色暗經函天
女咸悲仰童真亦屢叅捨家猶畜髮長此事瞿曇

印法華經歌

有序

鄞邑沈一貫大學士

龍伯貞雅士也佐余郡有聲狀時有入道之心焉一

日過補陀勘事而疑僧衆之不齋也取法華一函焚之駢使超焉以徵信之夢神人傳佛旨曰奉道毀道罪當不宥罰作三石午齋官蓋冥官也伯貞頓首祈而山有大智師者亦助之懺良久始免已夢告者曰欲償經乎用百當一于是伯貞就余家印法華百以進從此嚮道彌篤矣余欲成其美爲贊一辭篇末數言蓋老氏絕棄之謂釋子呵罵之談莊生所謂非過孝之言不及孝之言也伯貞得無變虎色乎毀道有罪戲論亦有罪余烏乎敢君請勿疑

楚中山川絕天下龍侯稟其最奇者爲之史不肖兄龔黃

爲文又欲家班馬來官我郡近四年手披口決如湧泉
網民怙之爲二天老吏吐舌不敢前遍搜至人作師友
布衣窮巷常周旋心好山水幽勝處攀蘿躡磴栖青烟
當年曾讀叅同契飄飄庶幾試其事挂壁蒲團代象牀
赤腳雙童當家累龍侯龍種靈且幻幻出人心最神異
郡中佛域補陀巘五臺峩眉鼎足三靈蹤中廢比興復
四方趨赴負且擔叢林人多訟事起不辭揚帆入海水
指揮劈畫具有條鱗次綺分端可儼總爲衛佛心太殷
欲吸海水澆羶葷自燕金函作盟呪羣駟僧衆凌烟霧
目見千里不見睫手欲渡人先浪涉未睹如來騰玉毫

已見韋馱按金鉢病中忽自繫南冠定裏俄成白骨觀
勅遣冥中作牛吏誰堪世上爲龍官新從下土不知體
顧此愚誠良不昧智師助懺懇且哀蜿蜿癡龍此時蛻
爲余敬乞蓮花百因師上贖如山大世人且莫輕癡龍
慈恩慧愛于君鍾嚴父何曾答愛子聖人詎肯呵凡庸
龍侯生還未是還大還還在蓬池間修士自能遵覺路
宗師也不逃深山焚卻才人乾卻海此時歡笑黃金顏

禮洛迦山

前人

近有三生紫竹緣何須十地與諸天獨騎香象開龍國
故擊靈鼉撼蜃川銀浪秋掀天影澹金輪朝發海光圓

但將一勺澄心地舉目千花盡是蓮

其二

巢頂孤僧坐似懸更無色相與區緣蓮花寶界龍腥薄
蒼蘊香林鳥性圓纔啞巖珠尋到海乍飛月鏡已升天
真無水色寒能照假有山光亦自鮮

遊寶陀寺

山陰

黃猷吉

念憲

直爲探奇過上方居狀臺殿水中央到知海岸真孤絕
遙望瀛洲亦渺茫石洞寒潮鳴梵唄竹林明月放圓光
鯨波一洗烽烟息仰見慈靈遍八荒

夢遊補陀山

餘姚

姜子羔

少卿

普門山志 卷之十三
忽朕飛渡海雲東海色澄清霄漢通借問此心何所似
白雲映水月當空

題洛迦山

龍德孚 見前

望來鼇柱森無涯海上孤懸小白華說法臺高開寶藏
潮音洞迴湧金沙扶桑夜沸三更日祇樹光生五色霞
我亦有冠慚未挂梅岑何處覓丹砂

寄題補陀

仁和 宋應昌 大司馬

洛迦山浸海波中大士西來彼岸通不是世人迷苦海
有教說法到天東

禮補陀大士八韻

聊城 傅光宅 提學

翠壁千重盡滄溟萬里開龍宮吞日月蜃氣擁樓臺五
嶽誰飛錫三生此度杯地疑人境外身似梵天回紫竹
藏鸚鵡青蓮見善財海神聽法至天女獻花來慧眼觀
千界潮聲振九垓皈依持半偈甘露灑塵埃

贈一乘上人

前人

海山深處有高僧妙法曾叅第一乘方寸自能清似水
浮雲底事愛還憎

過海潮贈大智禪師

前人

寶地新開大海邊法壇長日擁諸天慈光會滿三千界
苦行先經六十年五嶽烟霞孤錫迴萬川水月一燈懸

不知再見應何日一片心依智者禪

望補陀

上虞顧充郎中

我家世漁瀛海東烟波滿眼青濛濛我生夙抱探奇癖
十洲五嶽期過從金閨一旦謬通籍矯首滄洲思無極
憑誰寄我仙山圖開卷神飛渺南國秋濤灝瀚秋雲賒
紫翠中浮小白花瑤光遠映三摩地金匳平鋪千步沙
峻宮菴極出最巖寶相珠纓示神異慧照孤懸震旦中
慈航飛渡閬浮際題緘爲報大將軍莫放磯頭白鳥羣
他日浮槎指南海相攜同禮白巖雲

題洛迦

詩徒侯海山

濟南

李攀龍憲使

洛迦山上古祇林白馬西來峽口深月出爾時樓閣影
風還如是海潮音若非鸚鵡元能語誰解蓮花不染心
五十三員知識盡可勞踪跡問浮沉

題補陀

盱眙

李言恭

臨淮侯

五嶽三山總浪遊法門高敞海天秋窓前雲氣蛟龍起
檻外波濤島嶼浮月映寶珠明上界星隨燈火散中流
黃塵白髮真無賴彼岸慈航何處求

寄題補陀

前爲寧郡守

同安

蔡貴易

按察使

憶昔分符日相依祇樹林天畱最勝地佛照不溜心海
日蒼崖曉蓮花碧水深爲民遙頂禮願普恒沙金

龍女善財洞

梅魁參將

雪膚蒼貌紫霞裾
幾駕蒼虬下碧虛
踪跡尚留青海上
珮環遙向玉樓居
雲封洞口塵氛寂
潮漲沙頭月影孤
欲就此中求至理
本來妙相一明珠

寶陀寺禮大士

屠隆見前

巍巍法王子
天人所師尚
遠從身壽國
大法來龍象
孤高託屋屨
浩蕩乘溟漲
詎應愛空濶
無乃愍流浪
人生墮苦海
神識昏漭漭
哀哉萬劫中
業趣日醞釀
慈氏興大悲
弘誓度羣妄
微言深奧衍
妙義蔚遐暢
不廢耳目用
而忘耳目相
世音乃以觀
觀徹理無障
三千及大千